

Na osnovu Odluke o korištenju sredstava prikupljenih od naknada za promjenu namjene poljoprivrednog zemljišta ("Službene novine Zeničko-dobojskog kantona", broj: 10/06), Odluke o izmjenama i dopuni Odluke o korištenju sredstava prikupljenih od naknada za promjenu namjene poljoprivrednog zemljišta ("Službene novine Zeničko-dobojskog kantona", broj: 04/08) i Programa utroška namjenskih sredstava za uređenje poljoprivrednog zemljišta u 2011. godini, Ministarstvo za poljoprivredu, šumarstvo i vodoprivredu raspisuje

JAVNI POZIV za uređenje poljoprivrednog zemljišta

1. Pozivaju se fizička i pravna lica da podnesu Zahtjev za odobravanje sredstava za uređenje poljoprivrednog zemljišta u 2011. godini.
2. Korisnici sredstava mogu biti fizička i pravna lica koja na propisanom obrascu podnesu zahtjev Ministarstvu za poljoprivredu, šumarstvu i vodoprivredu, te da ispunjavaju kriterije za uređenje poljoprivrednog zemljišta koji su propisani Uputstvom o korištenju sredstava za uređenje poljoprivrednog zemljišta prikupljenih od naknada za promjenu namjene poljoprivrednog zemljišta (Uputstvo je objavljeno na web stranici Zeničko-dobojskog kantona - Ministarstvo za poljoprivredu, šumarstvo i vodoprivredu).

Korisnici sredstava mogu biti pravna i fizička lica koja ispunjavaju slijedeće uslove:

- da se predmetne parcele nalaze na području Zeničko-dobojskog kantona
- da se prebivalište podnosioca zahtjeva nalazi na području Zeničko-dobojskog kantona

Aplikanti su dužni, prije prvog izlaska Komisije, uz zahtjev dostaviti slijedeću dokumentaciju (original ili ovjerena kopija):

- ZK izvadak ili posjedovni list ili ugovor o zakupu zemljišta sa posjedovnim listom ili ZK izvadkom na ime vlasnika parcele
- Kopiju katastarskog plana sa označenom parcelom koja će se uređivati, a koja ne može biti manja od 0,3 ha
- Kućnu listu - ukoliko podnosilac zahtjeva živi u zajedničkom domaćinstvu sa vlasnikom zemljišta
- Uvjerenje o izmirenju poreskih obaveza, ne starije od 30 dana, za fizička i pravna lica
- Potvrda o podnešenom zahtjevu za upis u Registar poljoprivrednih gazdinstava i klijenata, izdatu od nadležne općinske službe
- Izvod iz prostornog plana općinskog organa za prostorno uređenje da kandidirano poljoprivredno zemljište nije prostornim planom općine određeno za gradnju
- Garanciju općine - da se u narednih deset (10) godina predmetne parcele neće koristiti za gradnju, ukoliko su kandidirane poljoprivredne parcele ili dijelovi parcela prostornim planom općine predviđene za gradnju.

Aplikanti su dužni da u roku od 80 dana po prvom izlasku Komisije zahtjev dopuniti sa slijedećom dokumentacijom:

- Program ili projekat predloženih mjera uređenja poljoprivrednog zemljišta sa cijenom troškova izvođenja izrađen od ovlaštene institucije/subjekta.
 - Dokaz o izvršenoj pedološkoj analizi poljoprivrednog zemljišta prije uređenja (nulti uzorak) i po završetku uređenja (kontrolni uzorak).
3. Po prispjelim zahtjevima Ministarstvo će pregledati priloge, te ukoliko prilozi nisu kompletni, zahtjev se odbacuje.
 4. Zahtjevi sa priložima dostavljaju se na adresu: Ministarstvo za poljoprivredu, šumarstvo i vodoprivredu Zeničko-dobojskog kantona, Kućukovići broj 2, Zenica.
 5. Rok za dostavljanje zahtjeva za uređenje zemljišta je 15 dana od dana objavljivanja ovog Poziva.
 6. Sve dodatne informacije mogu se dobiti na telefone 407-593 i 200-460.

ZENIČKO-DOBOJSKI KANTON
Ministarstvo za poljoprivredu, šumarstvo i vodoprivredu